

ՀՀ արդարադատության նախարար

Արտակ Ջեյնալյանին

Հասցե՝ ք. Երևան, Վազգեն Սարգսյան 3/8

Հարգելի՛ պարոն Ջեյնալյան,

Տեղեկացնում ենք, որ 05.06.2018թ-ին կնքված Անշարժ գույքի առուվաճառքի պայմանագրի (հարկադիր աճուրդի միջոցով) «Այդի Բանկ» փակ բաժնետիրական ընկերությունը (այսուհետ՝ Բանկ) սեփականության իրավունքով ձեռք է բերել ՀՀ ք.Սևան Կ.Դեմիրճյան 4/4 հասցեում գտնվող ոչ բնակելի տարածքը, որը համաձայն 12.05.2017թ-ին կնքված ոչ բնակելի տարածքի վարձակալության պայմանագրով (այսուհետ՝ Վարձակալության պայմանագիր) վարձակալված է ՀՀ Արդարադատության նախարարության աշխատակազմի կողմից:

Հաշվի առնելով ՀՀ քաղաքացիական օրենսգրքի 619 հոդվածի 1-ին կետը, ըստ որի՝ Վարձակալության հանձնված գույքի նկատմամբ սեփականության իրավունքի փոխանցումն այլ անձի հիմք չէ վարձակալության պայմանագիրը լուծելու կամ փոփոխելու համար, եթե այլ բան նախատեսված չէ օրենքով,

խնդրում ենք Վարձակալության պայմանագրով սահմանված վճարները կատարել Բանկի 11800075866400 հաշվեհամարին:

Վարձակալության իրավահարաբերությունները շարունակելու անհնարինության դեպքում (ՀՀ Արդարադատության նախարարության աշխատակիցների բանավոր փոխանցմամբ անհնար է շարունակել իրավահարաբերություններն առանց պայմանագրի փոփոխության, մինչդեռ վերոնշյալ նորմը նախատեսում է նման հնարավորություն) հաշվի առնելով, որ Վարձակալության պայմանագիրը կնքվել է անորոշ ժամկետով և Վարձակալության պայմանագիրը դադարեցնելու համար տեղեկացման այլ ժամկետ սահմանված չէ, և առաջնորդվելով ՀՀ քաղաքացիական օրենսգրքի 612 հոդվածի 2-րդ կետով, խնդրում ենք սույն գրությունն ընդունել նաև որպես վարձակալության պայմանագրից միակողմանի հրաժարում, որի դեպքում Վարձակալության պայմանագիրը երեք ամիս հետո համարվում է դադարած:

Հարգանքով՝

Վարչության նախագահ



Մհեր Աբրահամյան

Կատարող՝ Իրավաբանական վարչության

Հնդհանուր իրավախորհրդատվության և կորպորատիվ քարտուղարության բաժին

Հեռ. (010) 59 33 14

